

**ԵՊՀ ԻՄ ՇՐՋԱՆԱՎԱՐՏՆԵՐԻ ՎԵՐԱԲԵՐՅԱԼ ԱՐՏԱՔԻՆ ՇԱՀԱԿԻՑՆԵՐԻ
ԿԱՐԾԻՔՆԵՐԻ ՈՒՍՈՒՄՆԱՍԻՐՈՒԹՅՈՒՆԸ /2024-2025թթ./**

Երևանի պետական համալսարանի Իջևանի մասնաճյուղը մշտապես կարևորում է իրականացվող կրթական ծրագրերի շարունակական կատարելագործումը, ուսանողների մասնագիտական պատրաստվածության բարձրացումը և շրջանավարտների մրցունակության ապահովումը աշխատաշուկայում: Միևնույն ժամանակ, կարևորելով գործատուների հետ համագործակցությունը, մասնաճյուղը պարբերաբար իրականացնում է արտաքին շահակիցների կարծիքի ուսումնասիրություն, բացահայտելու, թե ինչպես են արտաքին շահակիցները ընկալում ԵՊՀ ԻՄ շրջանավարտների պատրաստվածությունը, մասնագիտական կարողությունները, գործնական հմտությունները և համալսարանի կրթական ծրագրերի արդյունավետությունը:

Ուսումնասիրությունն իրականացվում է Պրակտիկայի կազմակերպման և շահակիցների հետ համագործակցության բաժնի կողմից առցանց (online) հարցման միջոցով: Հարցումն անանուն է, ընդգրկում է 15 հարց, որի միջոցով հարցվող ընտրահատվածը 5-բալային սանդղակով գնահատում և կարծիք է արտահայտում այն աշխատակիցների նկատմամբ, ովքեր համարվում են մասնաճյուղի վերջին հինգ տարվա շրջանավարտ:

2025թվհարցման ընտրահատվածում ներառվել են մարզի 130 գործատու կազմակերպությունների՝ ներառյալ բանկերի, դպրոցների, հյուրատների, հասարակական կազմակերպությունների և տեղական ինքնակառավարման մարմինների ղեկավարները: Նրանցից հարցմանը մասնակցել է 68-ը, որը կազմում է ընդհանուր ընտրահատվածի **52±30%-ը**:

Ստացված տվյալների մշակումն ու վերլուծությունը իրականացվել է նախորդ տարիների նույնատիպ հարցումների արդյունքների հետ համեմատական վերլուծության միջոցով, որը հնարավորություն է տալիս բացահայտել մասնակցության և գնահատման մտումները՝ վերջին հինգ տարիների ընթացքում:

Աղյուսակ 1

Հարցմանը մասնակցած կազմակերպությունների թիվը	2021թ.	2022թ.	2023թ.	2024թ.	2025թ.
	70	73	63	67	68

Գործատուները գնահատել են վերջին հինգ տարվա ընթացքում աշխատանքի ընդունված, ԵՊՀ ԻՄ շրջանավարտ հանդիսացող, **258 աշխատակցի** աշխատանքային արդյունքները, որոնցից 201-ը (**77.90%-ը**) աշխատում է իր մասնագիտությամբ: Այս տվյալները վկայում են, որ շրջանավարտների մասնագիտական կողմնորոշումը և պատրաստվածությունը մեծամասամբ համապատասխանում են աշխատաշուկայի պահանջներին:

Հարցման արդյունքներով ԵՊՀ ԻՄ շրջանավարտների մասնագիտական պատրաստվածությունը բարձր (**4 և 5**) են գնահատել 68 գործատուներից 61-ը (**89.70%-ը**), գործնական հմտությունները՝ 59 (**86.76%-ը**), մասնագիտական խոսքը՝ 58-ը (**85.29%-ը**):

Աղյուսակ 2

Թիվ	Շրջանավարտների	Գնահատական				4 և 5	
		5	4	3	2	քան.	%
1	Մասնագիտական պատրաստվածությունը	27	34	7	0	61	89.70%
2	Գործնական հմտությունները	23	36	9	0	59	86.76%
3	Մասնագիտական խոսքը	17	41	9	1	58	85.29%

Հարցման արդյունքներով մասնաճյուղի շրջանավարտների մասնագիտական պատրաստվածության միջին գնահատականը կազմել է **4.29**, գործնական հմտությունները՝ **4.20**, մասնագիտական խոսքը՝ **4.08**:

Աղյուսակ 3

Թիվ	Շրջանավարտների	Միջին գնահատական				
		2021թ.	2022թ.	2023թ.	2024թ.	2025թ.
1	Մասնագիտական պատրաստվածությունը	3.97	3.94	4.26	4.28	4.29
2	Գործնական հմտությունները	3.71	3.71	3.88	4.02	4.20
3	Մասնագիտական խոսքը	3.79	3.87	4.20	4.05	4.08

2021–2025 թթ-ի տվյալների համեմատական վերլուծությունը ցույց է տալիս, որ ԵՊՀ ԻՄ շրջանավարտների գնահատականները վերջին հինգ տարիների ընթացքում ունեն բարձրացման միտում: Առավել նկատելի է գործնական հմտությունների բարելավումը, իսկ մասնագիտական պատրաստվածությունը վերջն երեք տարիների համար ունի կայուն ցուցանիշ:

ԵՊՀ ԻՄ շրջանավարտների ինքնադրսևորման կարողությունները՝ մասնավորապես հաղորդակցվելու ունակությունները քարձր (4 և 5) են գնահատել 68 գործատուներից 66-ը (97.05%-ը), իսկ 61 գործատու (89.70%) քարձր է գնահատել շրջանավարտների կարողությունը՝ տարբեր գործնական իրավիճակներում արագ և ճիշտ կողմնորոշվելու առումով: Այս արդյունքները վկայում են, որ շրջանավարտներն ընդհանուր առմամբ ունեն կայացած հաղորդակցական և իրավիճակային կողմնորոշման հմտություններ, որոնք կարևոր դեր ունեն մասնագիտական գործունեության մեջ:

Աղյուսակ 4

Թիվ	Շրջանավարտների	Գնահատական				4 և 5	
		5	4	3	2	քան.	%
1	Հաղորդակցվելու կարողությունները	30	36	2	0	66	97.05%
2	Տարբեր իրավիճակներում արագ և ճիշտ կողմնորոշվելու կարողությունները	21	40	7	0	61	89.70%

Հարցման արդյունքներով մասնաճյուղի շրջանավարտների հաղորդակցվելու կարողությունների միջին գնահատականը կազմել է **4.41**, տարբեր իրավիճակներում արագ և ճիշտ կողմնորոշվելու կարողությունները՝ **4.20**:

Աղյուսակ 5

Թիվ	Շրջանավարտների.	Միջին գնահատական				
		2021թ.	2022թ.	2023թ.	2024թ.	2025թ.
1	Հաղորդակցվելու կարողությունները	4.2	4.05	4.30	4.32	4.41
2	Տարբեր իրավիճակներում արագ և ճիշտ կողմնորոշվելու կարողությունները	3.76	3.84	4.01	4.07	4.20

2021–2025 թթ. տվյալների համեմատական վերլուծությունը ցույց է տալիս, որ ԵՊՀ ԻՄ շրջանավարտների գնահատականները վերջին հինգ տարիների ընթացքում ունեն աստիճանական աճ, մեր շրջանավարտները կարողանում են արդյունավետ շփվել և արագ կողմնորոշվել տարբեր իրավիճակներում: Հավելենք, որ մասնաճյուղի կրթական գործընթացում ներդրված նոր մոտեցմամբ (ինքնուրույն և հետազոտական աշխատանքների իրականացմամբ) ակնկալվում է, որ 2026 թ-ից ԵՊՀ ԻՄ շրջանավարտները գործնական միջավայրում կդրսևորեն ավելի տեսանելի վերլուծական և հետազոտական կարողություններ:

Հարցման մասնակիցները գնահատել են նաև մեր շրջանավարտների ընդհանրական կարողությունները: 68 գործատուներից 64-ը (94.11%-ը) բարձր (4 և 5) է գնահատել մեր շրջանավարտների աշխատանքային կարգապահությունը, իսկ 65-ը (95.58%-ը)՝ թիմային աշխատանք կատարելու ունակությունը:

Աղյուսակ 6

Թիվ	Շրջանավարտների	Գնահատական				4 և 5	
		5	4	3	2	քան.	%
1	Աշխատանքային կարգապահությունը	41	23	3	1	64	94.11%
2	Թիմային աշխատանք կատարելու ունակությունները	38	27	1	2	65	95.58%

Հարցման արդյունքներով մասնաճյուղի շրջանավարտների աշխատանքային կարգապահության միջին գնահատականը կազմել է **4.52**, թիմային աշխատանք կատարելու ունակություններ՝ **4.48**:

Աղյուսակ 7

Թիվ	Շրջանավարտների.	Միջին գնահատական				
		2021թ.	2022թ.	2023թ.	2024թ.	2025թ.
1	Աշխատանքային կարգապահությունը	4.20	4.13	4.47	4.59	4.52
2	Թիմային աշխատանք կատարելու ունակությունները	4.01	3.97	4.20	4.40	4.48

2021–2025թթ.ժողովրդի համադրումը ցույց է տալիս, որ երկու ցուցանիշներն էլ ունեն ընդհանուր առմամբ կայուն աճի միտում: Աշխատանքային կարգապահությունը 2021 թվականից մինչև 2024 թվականը ունեցել է շարունակական բարձրացում՝ 4.20-ից հասնելով 4.59-ի, թեև 2025-ին փոքր անկում է նկատվում (4.52), ցուցանիշը մնում է բարձր և կայուն:

Գործատուները գնահատել են նաև ԵՊՀ ԻՄ շրջանավարտների տեղեկատվական տեխնոլոգիաներով աշխատելու հմտությունները: 68 գործատուներից 62-ը (91.17%-ը) մեր շրջանավարտների տեղեկատվական տեխնոլոգիաներով աշխատելու հմտությունները գնահատել են 4 և 5 գնահատականներով:

Թիվ	Շրջանավարտների	Գնահատական				4 և 5	
		5	4	3	2	քան.	%
1	Ժամանակակից տեղեկատվական տեխնոլոգիաներով աշխատելու հմտությունները	36	26	5	1	62	91.17%

Հարցումների արդյունքում շրջանավարտների տեղեկատվական տեխնոլոգիաներով աշխատելու հմտությունների միջին գնահատականը կազմել է **4.42**, որը նույնպես բարձր է նախորդ տարիների ցուցանիշների համեմատությամբ:

Թիվ	Շրջանավարտների	Միջին գնահատական				
		2021թ.	2022թ.	2023թ.	2024թ.	2025թ.
1	Ժամանակակից տեղեկատվական տեխնոլոգիաներով աշխատելու հմտությունները	3.94	4.09	4.20	4.20	4.42

2025թ. հարցման արդյունքներն ընդհանուր առմամբ գոհացնող են և փաստում են, որ ԵՊՀ ԻՄ շրջանավարտները աչքի են ընկնում պատասխանատու վարքագծով, կարգապահությամբ և թիմային աշխատանքի պատրաստակամությամբ: Այս ընդհանրական կարողությունները, համակցվելով մասնագիտական հմտությունների հետ, ապահովում են շրջանավարտների մրցունակությունն աշխատաշուկայում:

Մասնաճյուղի շրջանավարտների վերաբերյալ շահակիցների կարծիքի ուսումնասիրությունը կատարվել է նաև բաց հարցերի միջոցով: Մասնավորապես շահակիցներին առաջարկվել է նշել, թե որոնք են մեր շրջանավարտների ուժեղ և թույլ կողմերը և աշխատանքի ընդունելիս հատկապես ինչն է կարևորվում:

«Խնդրում ենք նշել ԵՊՀ ԻՄ շրջանավարտների երեք ուժեղ կողմերը» հարցի համար ամենաշատ տրված պատասխաններն են՝

- մասնագիտական պատրաստվածությունը,
- կարգապահությունը և հաղորդակցման կարողությունը,
- ՏՀՏ ոլորտի իմացությունը:


«Խնդրում ենք նշել ԵՊՀ ԻՄ շրջանավարտների երեք թույլ կողմերը» հարցին շահակիցների 40% -ը չունեի որևէ գրառում, իսկ պատասխանողների մեջ մեծ մասը նշել է՝

- փորձի պակասը,

- ինքնավստահության և առաջնորդական հմտությունների պակասը,
- համայնքում նախաձեռնություններով հանդես գալը:

«Աշխատանքի ընդունելիս հատկապես ինչն էք կարևորում» հարցին գործատուների մեծ մասը պատասխանել է, որ աշխատանքի ընդունման գործընթացում կարևորում է թեկնածուի մասնագիտական գիտելիքներն ու կարողությունները, մասնագիտական խոսքը, պատասխանատվությունը և կարգապահությունը, հաղորդակցվելու հմտությունները, թիմում աշխատելու ունակությունները: Սա նշանակում է, որ գործատուները մեծ կարևորություն են տալիս բարձրագույն կրթությանը, մասնագիտական պատրաստվածությանը և գործնական փորձին՝ ակնկալելով որակյալ և մրցունակ շրջանավարտներ: Նշված նախապատվությունները դրական ազդեցություն ունեն նաև մասնաճյուղի նկատմամբ վստահության ձևավորման վրա, քանի որ որակյալ կադրերի պահանջարկը և շրջանավարտների բարձր գնահատված կարողությունները նպաստում են մասնաճյուղի հեղինակության ամրապնդմանը:

Հարցմանը ընթացքում ուսումնասիրվել է նաև մասնաճյուղի հեղինակությունը կազմակերպությունում և բնակավայրում: Մասնակից 68 գործատուներից 66-ը (97.05%-ը) մասնաճյուղի հեղինակությունը բարձր (4 և 5) են գնահատել իրենց կազմակերպությունում, իսկ 67-ը (98.52%-ը)՝ իրենց բնակավայրում: Հարցման արդյունքում մասնաճյուղի հեղինակության միջին գնահատականը կազմակերպությունում կազմել է 4.61, իսկ բնակավայրում՝ 4.58:



Այն հարցին, թե խորհուրդ կտան մեր շահակիցներն իրենց մերձավորներին և ընկերներին դիմել ԵՊՀ ԻՄ, դրական է պատասխանել հարցման մասնակիցներից 67-ը

(98.52%-ը): Այս ցուցանիշը բավականին բարձր է, այսինքն տարածաշրջանում բարձր է կարծիքը մասնաճյուղի կրթական գործունեության մասին:

Այս հեղինակությունը ձևավորել է ն՛ մասնաճյուղը՝ իր տասնյակ տարիների կրթական գործունեությամբ, ն՛ շրջանավարտները՝ հասարակական և տնտեսական գործունեության մեջ ակտիվ ներգրավվածությամբ:

Հարցման ընթացքում հավաքագրվել են տվյալներ, թե ի՞նչ է առաջարկում աշխատաշուկան, որոնք են մարզում պահանջարկ ունեցող մասնագիտությունները՝ նպատակ ունենալով օգնել մասնաճյուղին մշակելու նոր կրթական ծրագրեր, որոնք համահունչ կլինեն համայնքի կարիքներին:

Առաջարկվող մասնագիտությունները թեև նախորդ տարիների ուսումնասիրության արդյունքներից էականորեն չեն տարբերվում, բայց որոշ մասնագիտությունների համար ունեն պահանջարկի աճ:

Աղյուսակ 10

N	ՄԱՍՆԱԳԻՏՈՒԹՅՈՒՆՆԵՐ	ՔԱՆԱԿ				
		2021 թ.	2022 թ.	2023 թ.	2024թ.	2025թ.
1.	Մարդկային ռեսուրսների կառավարում		1	3	1	1
2.	Մարքեթինգ, բիզնես ոլորտ	1	4	4	1	1
3.	Կենսաբանության ուսուցիչ	2	9	6	12	14
4.	Աշխարհագրության ուսուցիչ	2	6	2	3	4
5.	Քիմիայի ուսուցիչ	7	10	6	14	11
6.	Ֆիզկուլտուրայի ուսուցիչ	2	2	2	3	6
7.	Իրավաբանություն, իրավագիտություն, իրավունքի տեսություն	7	8	6	1	3
8.	Սոցիոլոգիա		2	3	1	2
9.	Տվյալագիտություն,data science, վիճակագրություն			4	2	2
10.	Բնագիտության ուսուցիչ		1	3	5	6
11.	Մաթեմատիկայի ուսուցիչ			4	11	13

Նշվածներից երևում է, որ աշխատաշուկայում աճում է ուսուցիչների պահանջը՝ հատկապես բնագիտական առարկաներից (քիմիա, կենսաբանություն, մաթեմատիկա): Այս առումով 2020թ-ից մասնաճյուղը հեռակա ուսուցմամբ առաջարկում է մագիստրոսական «Դպրոցական մանկավարժություն և մեթոդիկա» կրթական ծրագիրը և

այդ մասին պարբերաբար հասարակությանն իրազեկում պաշտոնական կայքէջի և հանրակրթական դպրոցներում կազմակերպվող հանդիպումների միջոցով:

Ելնելով հարցման արդյունքներից՝ շրջանավարտների ուսուցումը բարելավելու համար ՊԿՇՀ բաժնի կողմից առաջարկվում է՝

գործնական ուսուցում - շրջանավարտների գործնական փորձի ընդլայնման նպատակով գործնական պարապմունքների, պրակտիկայի և տարբեր նախագծերի մասնակցության ավելացում,

փափուկ հմտությունների զարգացում - շրջանավարտների փափուկ հմտությունների զարգացման վրա կատարել շեշտադրումներ, ինչպիսիք են արդյունավետ հաղորդակցման, ներկայացման և տարբեր լսարանների առջև հանդես գալու հմտությունները,

համագործակցություն գործատուների հետ - ունենալ կանոնավոր երկխոսություն ընկերությունների հետ՝ ընկերություններում գործող ծրագրերում ուսանողներին ընդգրկելու, ինչպես նաև շրջանավարտների վերաբերյալ կարծիքի ուսումնասիրություններում ավելի լայն շրջանակ ունենալու համար:

ՊԿՇՀ բաժինը հարցման արդյունքները կտրամադրի մասնագիտական ամբիոններին և ուսանողներին (ՈԻԳԸ և ՈԻԽ)՝ քննության առարկա դարձնելու կրթական ծրագրերի կատարելագործմանն ուղղված ներկա գործընթացներում արտաքին շահակիցների կարծիք-գնահատականներն ու առաջարկությունները:

Ուսումնասիրության արդյունքները կօգնեն մշակել նոր կրթական ծրագրեր և մարտավարություններ՝ բարելավելու շրջանավարտների մասնագիտական պատրաստվածությունը և ապահովելու կրթությունից աշխատանք սահուն անցումը:

Պրակտիկայի կազմակերպման և շահակիցների հետ

համագործակցության բաժին